



Ilinniartitaanermut, Ilisimatusarnermut
Ilageeqarnermullu Naalakkersuisoq
/Maani

Ulloq: 15-05-2016
J.nr.: 01.39.01.03-00161

UPA2016-mi immikkoortut 116, 117 aamma 163 kultureqarnermut, timersornermut, Eqqumiitsuliornerlu pillugit inatsisit pillugit allakkatigut apeqqutit

Inatsisissatut siunnersuutit UPA2016/116, UPA2016/117 aamma UPA2016/163 kingunissaritinneqartut, qanoq isumaqarneri, suullu siunertarineqarnersut pillugit erseqqissaateqartoqarnissaa anguniarlugu Kultureqarnermut, Ilinniartitaanermut, Ilisimatusarnermut, Ilageeqarnermullu ataatsimiititaliamit apeqquteqartoqarnissaa pisariaqartutut isigineqarpoq. (tamatumaa kingorna taaneqartartut kultureqarnermut inatsit, timersornermut inatsit aamma eqqumiitsuliornermut inatsit

Sunnigiffimmi sammisassaqartitsinermi kultureqarnermut timersornermullu immikkoortortanut tunngasut

Ataatsimiititaliamit ulloq 6. juli 2015 apeqqutigineqartut ullorlu 30. juli akissutigineqartut ataani issuarneqarput.

Ataatsimiititaliap apeqquteqaataa nr. 1:

"Immikkoortoq 32-ip isumaqatigiinniutigineqarnerata nalaani Naalakkersuisut oqaaseqarnerat tunngavigalugu ilisimatitsissutigineqarpoq UPA2016-mi sioqqullugu eqqumiitsuliorneq pillugu inatsisissatut siunnersuummut missingiummik suliaqartoqarsimasoq. Eqqumiitsuliornermut inatsit taanna Inatsisartut Peqqussutaata nr. 10 2002-meersup nutarterneqarneranut atatillugu suliaq siulliusussaavoq. Inatsisartut Naalakkersuisunik peqqusinerat tunngavigalugu (takuuk qulaani allannguutissatut siunnersuut issuarneqartoq) (Red. UPA2015/32)?"

Naalakkersuisut akissuteqaataa nr. 1.

"Eqqumiitsuliorneq pillugu Inatsisartut inatsisissaattut siunnersuut UPA 2015/32 tunngavigalugu nutarterneqarnissaa Naalakkersuisut tunngavissaqartinnigilaat. Naalakkersuisulli ilisimatitsissutigisinnaavaat kultureqarneq pillugu inatsisissatut siunnersuut alla Naalakkersuisut UKA 2015-imut suliariniagaat maannakkut marlungorlugu avinneqartoq; kulturi pillugu inatsit, tassani ilaalluni kultureqarnermi sunnigiffimmi sammisqaqartarneq kiisalu timersorneq pillugu inatsit, tassani ilaalluni



INATSISARTUT

timersornermi sunngiffimmi sammisasaqartarneq, taakkulu marluk UPA 2016-imi saqummiunneqarnissaat pilersaarutaavoq.”

Sunngiffimmi sammisasaqartitsinermit tunngasunut kommunip pisussaaffii inuttaasullu pisinnaatitaaffii pillugit kultureqarnermut inatsimmi arlalinnik aalajangersagaqartoq ataatsimiititaliamit maluginiarneqarneq. (kultureqarnermut inatsimmi kap. 2-4 aamma 8-12). Peqatigisaanillu kultureqarnermut inatsimmi § 1, imm, 5-mi allassimavoq siunnersuummi aalajangersakkat kultureqarnermut sunngiffimmilu sammisasaqartitsinermit attuumassuteqanngitsut, taakku inatsimmi allami malittarisasaqarneri pissutaallutik. Inatsit pineqartoq tassaavoq timersornermut timigissarnermullu inatsit, takukkit aalajangersakkanut oqaaseqaatit.

Kultureqarnermut inatsimmi kap 2-4 aamma 8-12 sunngiffimmi sammisasaqartitsineq timersornerup iluaniingitsutut ataatsimiititaliamit inernilerneqartariaqarpoq.

1. Sunngiffimmi sammisasaqartitsinermi kommuninit neqeroorutigineqartartuni timersornermut inatsimmi piumasaqaateqannginnera Naalakkersuisunik uppersarsarneqarsinnaava?

Qulaani taaneqartoq Naalakkersuisut uppersarsinnaanngippassuk:

- a) Timersornermut inatsimmi kommunit pisussaaffii kiisalu innuttaasut pisinnaatitaaffii siunnersuummi sumi allassimanersut Naalakkersuisut erseqqissaatigissagaat ataatsimiititaliamit qinnutigineqarpoq. Qulaani taaneqartoq Naalakkersuisut uppersarsinnaappassuk:
- b) Kultureqarnermut immikkoortumi sunngiffimmi sammisasaqartitsinermi pisinnaatitaaffiit pisussaaffiillu assingusut qanoq kommuninit neqeroorutigineqartartut timersornermut immikkoortumi atuutsinneqarsinnaanerat qanoq Naalakkersuisunit eqqarsaatigineqarpa? Aammalu tamanna Naalakkersuisut kissaatigaat?

Fritidshjemmet pillugit

Kultureqarneq pillugu inatsisissatut siunnersuummi fritidshjemmet immikkut kapitalilerneqarsimasut ataatsimiititaliamit maluginiarneqarpoq:

Kultureqarnermut inatsimmi § 20, imm. 1-2 imatut allassimasoqarpoq:

“§ 20. Sunngiffimi ornittagaq tassaavoq paaqqinnittarfik sulisut perorsaanikkut ilinniagallit perorsaanikkut siunnerfeqartumik atuarnerup avataatigut meeqqat inuusuttullu atugaannik, peqqissusaannik, ineriartornerannik ilinniarnerannillu siuarsaallutik suliaqarfigisaat.

Imm. 2. Sunngiffimmi ornittagaq aturfimmik angajoqqaanillu suleqateqarluni aturfimmi atuartitsinerup sunngiffimmilu ornittakkap akornanni ataqatigiissumik ingerlatsisoqarnissaanut peqataassaaq.”



INATSISARTUT

Qulaani pineqartumut oqaaseqaatini imm. 2 ima allassimavoq:

"Aalajangersagaq nutaajuvoq sunngiffimilu ornittagaq atuarfimmik angajoqqaanillu suleqateqarnissamik pisussaaffiliisoq, atuarfimmi atuartitsinermut sunngiffimmi ornittakkamut ikaarsaariarnerup ataatigiinnera peqataaffigissallugu. Tamatumani siunertarineqarpoq meeqqap inuusuttulluunniit sunngiffimmi ornittakkamiinnerani atuarfimiinneratulli meeqqap inuusuttulluunniit ineriartornissaanut atugassarititaasut pitsaanerpaat pilersissallugit."

Fritidshjemmet perorsaanikkut inerikkiartuutaasumik neqeroorutitut illoqarfiit ilaanni atuarfinni inissinneqartartutut imaluunniit atuarfiit ungasinngisaanni inissinneqartartutut ataatsimiititaliamit paasineqarpoq.

2. Oqaaseq "perorsaanikkut siunnerfilimmik suliaqarneq" paasiuminaatsutut ataatsimiititaliamit paasineqarpoq. Ilinniagasserinermut ikuineruva? meeqqat atuarfiani atuartitsinermut nangitsineruva? imaluunniit qanoq. Oqaatsip "perorsaanikkut siunnerfilimmi suliaqarnerup" erseqqissaatigineqarnissaa ataatsimiititaliamit kissaatigineqarpoq?

Kultureqarnermut inatsisissatut siunnersuummi § 24-mi ima allassimasoqarpoq:

"§ 24. Sunngiffimmi ornittakkamik atuneq akeqartinneqassaaq (nammineq akiliineq), taamaattoq tak. imm. 3. aamma 4.

Imm. 2. Sunngiffimmi ornittakkap agguaqatigiissillugu ingerlatsinermut aningaasartuutissaatut missingersuusiukkat ilanngaaserneqanngitsut aamma akiliuteqartussap akiliuteqartussalluunniit aningaasaqarnikkut inissisimanerat tunngavigalugit kommunip sunngiffimmi ornittagaataanik atuinissamut nammineq akiliutissaq aalajangersarneqassaaq.

Imm. 3. Nammineq akiliutissap appartinneqarnissaanut kommunalbestyrelse tapiissuteqassaaq. Sunngiffimmi ornittagaq atorneqartoq qanorluunniit isikkoqaraluarpat aningaasat aalajangersimasumik amerlassusillit kommunalbestyrelsimiit tapiissutigineqassapput.

Imm. 4. Naalakkersuisut kommunalbestyrelsimik isumasioqateqareerlutik malittarisassaliussavaat kommunip sunngiffimmi ornittagaani, sunngiffimmi ornittakkami imminut pigisumi sunngiffimilu ornittakkami namminersortumi meeqqat najugaqarnermut akiliutissaat, tassunga ilanngullugit isertitaqqortussuseq naapertorlugu akiliuteqartarnej, nammineq akiliutissap appartinneqarnissaannut tapiissutit, akiliutissanik akiitsoqalernerme meeqqap ornittakkamiikkunnaarnissaa aamma kommunimi sunngiffimmi ornittakkamik, sunngiffimmi ornittakkamik imminut pigisumik sunngiffimilu ornittakkamik namminersortumik atorunnaarsitsineq pillugit malittarisassaliussallutik."

§ 24 imm. 1-mi qulaani taaneqartumut oqaaseqaatini ima allassimasoqarpoq:

"24-mut

Aalajangersagaq nutaajuvoq suleriaatsimillu aqqissuussinermut ersisitsilluni.



INATSISARTUT

Imm. 1-imut

Aningaasartuutit tamakkiisumik ilaannakuusumilluunniit Namminersorlutik Oqartussanit allaniilluunniit akilerneqartussaasut pillugit erseqqissumik inatsisitigut tunngavissaqanngippat § 39 tunngavigalugu kulturikkut ingerlatsinermut sunngiffimmilu sammisassaqartitsinermut

39

aningaasartuutit tamarmik kommunimit akilerneqassapput. Tamanna sunngiffimmi ornittakkamik atuinerup akeqartinneqarnissaanut aporfissaliinngilaq.

Imm. 3-mut innersuussineq ersiutaasoq tassaavoq, ilaannakortumik atuisunut akiliuteqartitsineq taamaallaat pineqartoq.

Imm. 4-mut innersuussinermut ersiutaavoq, sunngiffimmi ornittakkamik atuisunut akiliuteqartitsineq pillugu nalunaarutikkoortumik malittarisassiortoqarsinnaasoq, matumani isertitaqqortussuseq naapertorlugu akiliuteqartitsisarneq pillugit aqutsineq ilanngullugu.”

3. Tamanna suleriaatsimut “aalajangersagaasoq” ataatsimiititaliamit paasineqarpoq. Kommuni Inatsisitigut ersarissumik tunngavissaqarani sullissinermut akiliisitsisarsinnaanera periarfissaava?
Naalakkersuisut taamatut isumaqanngippata:
 - a) Fritidshjemmenik atuinermut akiliisitsisarsimasunit akiliutigineqarsimasut innuttaasunut utertinneqarnissaat siunertaralugu kommunit Naalakkersuisunit nakkutilliisoqarfianut unnerluutigineqarniarpat?
4. “Suleriaatsip” taassuma qanoq annertutigisumik atorneqarnera Naalakkersuisunit nassuiarneqassasoq ataatsimiititaliamit kissaatigineqarpoq, sumiiffinni qassini atuuppa? Qanoq annertutigisumik? Aammalu aningaasat qassit eqqartorneqarpat?
5. Suleriaatsip taassuma attuunna qanoq kommuninit uppersaasorsorneqarpa?
6. Fritidshjemmenik atuinermut akiliisitsisarnissap annertussusissaa Naalakkersuisunit qanoq takorloorneqarpa?
7. Apeqqut 4 tunngavigalugu Atuinermut akiliisitsisarneq pillugu ilimagineqartut naapertorlugit Naalakkersuisunut uku nalilersorneqarnissaat ataatsimiititaliamit qinnutigineqarpoq:
 - a) Angajoqqaanut ullumikkut atuinermut akiliuteqartartunut aningaasatigut kingunissartinneqartut.
 - b) Angajoqqaanut ullumikkut atuinermut akiliuteqarneq ajortunut aningaasatigut kingunissartinneqartut.
8. Kommunit fritidshjemmenik atuinermut akiliutitseqartitsilerpata/akiliuteqartitsissappata inuttut atugarisanut qanoq sunniuteqarnissaanik Naalakkersuisut naliliisimanerat



INATSISARTUT

ataatsimiititaliamit qinnutigineqarpoq. Inuttut atugarisanik ajornerulersitsinissaanik ataatsimiititaliap erngumassutigisaatut Naalakkersuisut erngumassuteqarnerut.

9. Kommunit fritidshjemmenik atuinermut akiuteqartitsissappata meeqqat atuarfiat aamma fritidshjemmet immikkoortinneqarnissaat pillugu Naalakkersuisut isumaqataappat, sulisut immikkut atorfinitsinngikkaluarlugit immikkoortinneqarnissaat, atortussat immikkoortinneqarnissaat, taamaaliornikkut fritidshjemmet atuarfiillu il.il akornanni paarlaateqatigiittoqarsinnannginnera tamatumani ilanngullugit?

Kultureqarnermut inatsisissatut § 24, imm. 2-mi ima allassimavoq

"Imm. 2. Sunngiffimmi ornittakkap agguaqatigiissillugu ingerlatsinermut aningaasartuutissaatut missingersuusiukkat ilanngaaserneqanngitsut aamma akiliuteqartussap akiliuteqartussalluunniit aningaasaqarnikkut inissisimanerat tunngavigalugit kommunip sunngiffimmi ornittagaataanik atuinissamut nammineq akiliutissaq aalajangersarneqassaaq."

Oqaaseq "atuinissamut nammineq akiliutissaq" aalajangersakkanut oqaaseqaatini erseqqissumik killilerneqarsimangilaq.

10. Kommunit fritidshjemmenut aningaasartuutaasa aamma kommunit meeqqat atuarfiinut aningaasartuutaasa erseqqissumik immikkoortinneqarnissaat Naalakkersuisunut qanoq takorloorneqarpa? Tamatumani immikkut pineqarput, kallerup inneranut, imermut, kiassarnermut eqqiaanermut il.il aningaasartuutit:

- Fritidshjemmet atuarfillu illutamikkut ataatsimut inissisimappata
- Fritidshjemmet ininik piffissap ilaatigut atuartsinermut atorneqartartunik ataatsimut atugaqarpata.

11. Ullumikkut nunatsinni atuarfinni atuartut atuareernerup kingorna atorsinnaasaanik Perorsaanikkut ineriartuutaasumik assigiinngitsunik arlalinnik neqerooruteqarpoq. Taaguutinut ataani allassimasunut inatsit neqeroorutinilu suleriaaseq pillugit Naalakkersuisut ataatsimiititaliamit Naalakkersuisunut ersarissumik nassuiaateqarnissaat qinnutigineqarpoq:

- a) Skolepasninginut
- b) AKO
- c) Fritidshjemmenut
- d) Fritidsklubbinut

Siunnersuutip aappasaanernejarnissaanut piffissap 26. maj 2016 killeqarnera eqqarsaatigalugu apeqqutit qulaani allanegarsimasut ulloq sisamanngorneq 19. maj, 2016 nal 12.00 Naalakkersuisut akissuteqareersimanissaat ataatsimiititaliamit qinnutigineqarpoq. Naalakkersuisut akissuteqaataat kalaallisut danskisullu allassimasoq ina@ina.gl-mut kiisalu ajornanngippat ataatsimiititaliap allattaanut, Rikke Frederiksen, rfr@ina.gl- mut nassiuteqquneqarput.



INATSISARTUT

Inussiarnersumik inuulluaqqusillunga

Vivian Motzfeldt

Vivian Motzfeldt

Ataatsimiitaliami siulittaasoq